



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 30/05/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Mobilitéit & Ëffentlech Aarbechten weiderzeleeden.**

A menger parlamentarescher Fro n°3847 hat ech dem Minister verschidde Léisungsvirschléi fir d'Trafficsituatioun op der Péitenger Collectrice proposéiert. Zur Iddi vun enger Ënnerféierung ënnert dem Rond-Point beim LMA hat de Minister gesot, dass an enger spéiderer Phase eng Ënnerféierung beim Rond-Point virgesi wier an dass zu deem Zäitpunkt Trafficsimulatioune missten duerchgefouert ginn, fir dat Ganzt richtig kënnen ofzeschätzen.

An deem Zesummenhang wéilt ech de Ministeren dës Froe stellen:

1. Gëtt envisagéiert de Projet vun der Ënnerféierung beim Rond-point an deenen nächste 5 Jore unzegoen?  
Falls jo, wéi laang géif de Bau vun enger Ënnerféierung schätzungsweis op dëser Plaz daueren?
2. Wéi steet de Minister zur Aféierung vun engem Turbo-Rond-point op dëser Plaz, esou wéi en op der Collectrice no der Sortie Suessem-Déifferdeng gebaut gouf?

Mat déiwem Respekt,

GOERGEN Marc

Député

